

TONG yulduzi

O'zbekiston Respublikasi bolalari va o'smirlari gazetasi

Gazeta 1929-yil 1-avgustdan chiqa boshlagan

2006-yil 27-fevral - 5-mart N:9 (66550)

Muassislar:

O'zbekiston Matbuot va
axborot agentligi,
O'zbekiston Respublikasi Xalq
Ta'limi Vazirligi,
«KAMOLOT» Yoshlar
Ijtimoiy Harakati,
«SOG'LOM AVLOD
UCHUN» Hukumatga
qarashli bo'lmagan xalqaro
xayriya jamg'armasi.

SAHIFALARDA

HAM SHIFO, HAM ZIYO



2

-BETDA

OYNI OLIB TUSHMOQCHI



4

-BETDA

BOLALIK, BAG'RINGDA QOLGIM KELADI



8

-BETDA

Yana bahor keldi, sisni so'roqlab...



ZULFIYAXONIMGA

She'rlaringiz o'qib g'ururlanaman,
Bunchalar ham go'zal, buncha ma'noli.
Elim ardoqlagan suyuq shoiram,
Har bir so'zingizning bor go'yo boli.

Qarang, bugun qancha izdoshingiz bor,
Sizga ergashmoqning o'zi iftixor.
She'riyatga oshno tutingan har bir,
Murg'ak qalbning dilida sizga havas bor.

Mening ham orzuim sizga o'xshamoq,
Siz singari mashhur shoira bo'lsam.
She'rimdan o'zimga qo'ysam bir haykal,
Pok ruhingiz qo'llab tursin meni ham.

*Dilnozaxon SAIDOVA Fazliddin qizi,
Jizzax viloyati, Zomin tumanidagi
N.Boqiyev nomli 1 - gimnaziya
maktabining 7 - «A» sinf o'quvchisi.*

JANUBDAN TABRIK

*Hayotim tongida portlagan quyosh —
Baxtga yo'llaguvchi o'zing murabbiy.
Sening sabog'ingdan ulg'ayib bir kun,
Mana, o'g'ling ustoz, qizing murabbiy.*

Tabiat bahor otlig suluv qizini zamin belanchagidan uyg'otib maysalar qulog'iga Navro'z haqida shipshiyotganda, daraxtlar kurtaklari borliqqa latif chechak taqish uchun chog'lanib, yellar boychechak iforini o'g'irlab qochganda buyuk sana - 8-Mart bayrami bilan ulug' ayyom Navro'zi olam oralig'ida bizning olis janubda, Sherobod **Ehtiram** tumanining ko'rkam Zarabog' qishlog'ida yana bir ajoyib sana nishonlanadi. Bu yil bahor ham boshqacha kelayotganday - quyosh mo'lroq nur sochib, chumolilar barvaqt g'imirlab qolgan, Ko'hitang tog' tizmalaridan esayotgan shabada go'yo qoyalar tabrigini olib kelayotganday. Negaki, 11-mart kuni 32 yildan beri minglab o'quvchilarga ilm ziyosini ulashayotgan oliy toifali ustoz, biz sevib o'qiydigan ona tili va adabiyot fani o'qituvchisi, muallima opamiz Marziya opa Choriyevaning 50 yoshlik yubileyini nishonlaymiz. Shu kuni maktabimiz hovlisi mehmonlarga to'lib ketsa kerak... Axir ularning uzoq yillik samarali mehnatlari bois ko'plab shogirdlari jamiyatimizning turli jabhalarida mehnat qilishmoqda. Oralarida shifokorlar, iqtisodchilar, muhandislar, vatan himoyachilari, maorif fidoiylari, qo'yingchi, deyarli barcha soha vakillari bor. Ustozning ilk shogirdlaridan biri Boyit Yaxshiyev 20 yildan buyon ustoz bilan bir safda - 32-maktabda yoshlarga ta'lim berib kelmoqda. Jonsihat Musayeva bilan Nafisa Xojiddinova esa hozirda Termiz Davlat Universitetida tahsil olmoqdalar. Biz, shu maktabning 7-«B» sinf o'quvchilari fursatdan foydalanib, mehribon ustozimiz Marziya opa Choriyevani qutlug' 50 yoshlari, shuningdek, zebolik, ezgulik, mehr va muhabbat bayrami 8-Mart hamda qut-baraka va himmat ayyomi Navro'zi olam bilan chin qalbdan qutlaymiz. Oltinshda ham, yetmishda ham, boringki, yuz yoshga yetganlarida ham maktabimiz, qishlog'imiz bag'rini to'ldirib yurishlarini tilaymiz.

*Nilufar MUXTOROVA,
Dilfuza ASADULLAYEVA,
Husnora MUHAMMADIYEVA,
Surxondaryo viloyati, Sherobod
tumanidagi 32-maktabning 7-«B» sinf o'quvchilari.*



YURTIMDA KO'KLAM

Assalomu alaykum tahririyat xodimlari, aziz tengdoshlarim! Men Qashqadaryo viloyati, Chiroqchi tumanidagi Chiyali jamoa xo'jaligining Yumaloq qishlog'ida istiqomat qilaman. Qishlog'imiz anchayin chekkada joylashganiga qaramay, «Tong yulduzi»ning deyarli barcha sonini o'qib boramiz. Bizning bo'sh vaqtlarimiz deyarli bo'lmaydi, ammo baribir ijod bilan shug'ullanishga, badiiy kitoblar o'qib turishga vaqt topamiz. Hademay yurtimizga sepini yoyib Bahoroy kirib keladi. Shuning uchun ham tengdoshlarim hukmiga «Bahor» deb nomlangan she'rimni havola qilmoqchiman:



Orziqul XOLMURODOV.

BAHOR

O'tdi ayozli kunlar,
Sovuq qirovli tunlar.
O'lkamda bahor kular,
O'rik, shaftoli gullar.
Qor o'rmini bosdi gul,
Bog'larga qaytdi bulbul.
Xonishidan dil qonar,
Ko'zlarda olov yonar.
Dehqon shoshar dalaga,
Yerga urug' qadash-chun.
Men ham shoshdim xonamga,
Tengdoshlarim qutlash-chun.
Ko'klamdan ilhom olib,
Ko'nglim gullardan qonib.
Maktub yozdim o'zimcha,
Sizlarga yonib-yonib...

ARDOQLAYLIK AZIZ VATANNI!

Vatan so'zi juda keng ma'no kasb etadi. Ajablanarlisi, biz farzandlarning musht-dekkina yuragiga sig'ib ketaveradi. Vatanni sevish... Go'dakligimizdan oq yuvib, oq taragan onamizdek ko'ramiz vatanimizni. Hamisha bu diyorning istiqloli uchun shahid ketgan bobolarimizdan meros qolgan ilohiy muhabbatni tuyib yashaymiz qalbizda...



Biz yoshlar O'zbekistonimizga bo'lgan mehrimizni, ixlosimizni, uning nurli kelajagi uchun, dunyolarga doston bo'lajak shon-shuhrati uchun bor kuch-g'ayratimiz, bilim-u salohiyatimiz bilan isbotlamoqqa astoydil bel bog'laganmiz. Ana shu nurli sarhadlarga yetmoqlik yo'lida yurt muhabbati barchamizga yo'lchiroq bo'lsin.

Nazokat RISQIBOJEVA,
Toshkent viloyati, Parkent
tumanidagi 3-o'rta maktabning
6-sinf o'quvchisi.

olib kelib beraman, deya uyga oshiqdim. Munchoqning ipi juda nozik ekanmi, yo'lda uzilib ketsa bo'ladimi?!

Ertasi kuni dugonam munchoqli bilakuzukning pulini so'radi. Uzilib ketdi, desam, men hech narsani bilmayman, 200 so'm to'laysan, bo'lmasa oyim uyingizga boradilar, deb turib oldi.

Dars tugadi. Uyga borib, bo'lgan voqeani onamga aytib berdim.

-Sening soating ham unda qolib ketdi-ku. To'qishni bilarkan, munchoq olib borib ber, qayta to'qib olar, dedilar oyim.


Shu payt eshik qo'ng'irog'i jiringlab qoldi. Oyim eshikni ochsalar, haligi dugonam turibdi. Salomni ham unutib:

-Qizingiz mendan munchoqli bilakuzuk olgandi, shuni pulini bering, - dedi.

-Munchog'li bilakuzuging uzilib ketibdi. Munisa munchoq olib beradi, boshqa to'qib olaqol, dedilar oyim.

-Yo'q, oyim pulini olib kelgin dedilar, - dedi u ham bo'sh kelmay.

-Iye, oying



KIM HAQ?



Men adabiyot, she'riyat ixlosmandiman. O'zim ham she'rlar yozib turaman. Ko'plab she'rlarim «Tong yulduzi»da chop etildi. Ayrim dugonalarim menga havas qilib she'rlar yoza boshlashdi. Ularning qalbida

ham she'riyatga havas uyg'ota olganimdan behad quvonib yurgan kunlarimning birida ko'ngilsiz bir voqeaga duch keldim.

Dugonalarimdan biri (Ismini ochiq yozolmayman) yozgan she'rlarini ustozimizga ko'rsatayotgan ekan. «Voy, Munisa, bu sening she'ring emasmi?» so'rab qolishdi dugonalarim. O'qisam, rostdan ham mening 2-sinfda yozgan va «Tong yulduzi»da chop etilgan she'rim ekan. Hayron bo'lib dugonamga qaradim. U esa miyig'ida kulib turardi.

-Ustoz, birovning she'rini ko'chirib olish yaxshimi?-so'radim o'qituvchimizga yuzlanib.

-Eplasang, o'zing yoz. Ko'chirmachilikni o'rganmagin, deya tanbeh berdilar ustoz...

Yaqinda ana shu dugonam bilan yana bir masalada kelisholmay qoldik.

Tug'ilgan kunimga oyijonim chiroyli soat sovg'a qilgandilar. Tugmachasini bossangiz, uch xil rangda tovlanadigan soatimni yer-u ko'kka ishonmasdim. Hatto, bir ko'ray, deb so'ragan aka va opalarimga ham bermagandim.

Ertasi kuni uni maktabga taqib bordim. Sinfoshlarimning juda havaslari keldi. Haligi dugonam, soatingni taqib turay, deb so'rab qoldi. Yo'q deyolmay yechib berdim. Darsdan keyin uni olishni unutib qo'yibman. Uyga borsam, opam soating qani, deb so'rab qoldilar. Shundagina uni dugonamda qolgani yodimga tushdi.

Ertasi kuni soatimni so'rasam, ukam sindirib qo'ydi, deya javob berdi. Men juda xafa bo'lib ketdim. Axir u oyijonimning sovg'asi edi-da. «Qizg'anchiqlikning oqibati shunday bo'ladi. Battar bo'li!», deya o'zimni koyib qo'ydim.

Kun o'tib, haligi dugonam munchoqda to'qilganbilakuzuk ko'tarib keldi va 200 so'mga sotishini aytdi. Munchoqli bilakuzuk menga juda yoqib qolgandi. Uni qo'limga taqib olib, pulini ertaga

HAMISHA GAVJUM MASKAN

Diyorimizda o'quvchi yoshlarimizning qunt bilan bilim olishlari, hunar o'rganishlari uchun barcha sharoitlar yaratilgan. Farg'ona viloyatining Beshariq tumanida joylashgan o'quvchilar texnik ijodiyot markazi ham ana shunday maskanlardan biridir. Mazkur dargohdagi 40 dan ziyod turli to'garaklar bolajonlar ixtiyorida. Ayniqsa, «Ekologiya», «Rassomchilik», «Radiotexnika», «Aviamodel», «Tikuvchilik» kabi to'garaklarda o'quvchilar gavjum. Xotam Umarov, Erkin Odilov, Iroda Sultonova, Zulfizar Mamatqulova kabi ustozlarining berayotgan saboqlaridan bolajonlar ham, ularning ota-onalari ham mamnun bo'lishmoqda. Maskanda faoliyat ko'rsatayotgan «Zakovat» klubi bolajonlarni o'zaro hamkorlikka chorlaydi. Yaqinda viloyat miqyosida bo'lib o'tgan «Istiqloq chechaklari» ko'rik-tanlovida ham ana shu klub a'zolari birinchi o'rinni oldilar. G'oliblar poytaxtdagi «Bunyodkor» teleklubida bo'lib, «Har bir bolaga baxt ulashaylik» shiori ostidagi ko'rik-tanlovda eshtirok etdilar. Respublika o'quvchilari texnik ijodiyot markazi tomonidan ular maxsus guvohnoma va «Faxriy yorliq» bilan mukofotlandilar. Ertamiz egalari bo'lmish farzandlarimizning buguni quvnoq, ertasi porloqligidan biz ham xursandmiz.

Jumagul XOLMIRZAYEVA.

senga munchoqli bilakuzuklar sotgin deyaptilarmi? Qani, borib oyingni chaqirib kelgin-chi, dedilar oyim biroz jahllari chiqib.

Dugonam indamay ketib qoldi. Men esa juda hijolat bo'ldim. 200 so'm berib yuboray desam, onam urishadilar, bermasam, ko'nglim hijil. Go'yo munchog'li bilakuzukni soatimning o'rniga olib qolgandek bo'ldim-da...

Hozir men ham munchoqda har xil narsalarni tikishni o'rganyapman. Yaqinda unikidan ham chiroyliroq munchoqli bilakuzuk to'qib, dugonamga bayramga sovg'a qilmoqchiman.

Munisa KOMILOVA,
Poytaxtdagi 14 - maktabning
5 - sinf o'quvchisi.

MENING HAMSHIRA BUVIM

G'urumsaroyliklar mening Mayramxon buvimni yaxshi bilishadi. Biz ham buvijonim qo'llarida saboqlariga o'rganib, hikmatlariga burkanib yashayapmiz. Bilasizlarmi, bizning buvimiz odamlarni judayam qadrlaydilar. Hammaga birdek mehr



bilan boqadilar. Bolalikdan urush tufayli yetim qolgan buvim doimo Namangan shahridagi Mehribonlik uyida o'tgan kunlarini yuraklarida saqlaydilar. G'urumsaroyga kelib qolishlarining sababi ham shu maskanning yordamidan ekan.

-Hamshira bo'lib kelganimda 18 yoshda edim, - deb xotirlaydilar buvim. - Qishloqda ish boshlaganimda bu yerdagilar menga yaxshi muomalada bo'ldilar. Shukrixon aya o'z qizlaridek ko'rib, uylaridan joy berdilar. Mehr ko'rgan joyimga men ham ko'ngil qo'ya boshladim. Ayaning ko'magida yaxshi oilaga kelin bo'lib tushdim. 4 nafar farzandli bo'ldim. Izzat - ikrom topdim. 30 yillik mehnatlarim evaziga ko'p rahmatlar oldim. Katta hamshira bo'lib el xizmatini qildim, - deydi buvim. Bizning qo'li yengil hamshira buvijonimiz hozir 64 yoshdalar. Hali-hamon uyimizning shifokori bo'lib xizmat qiladilar. Oilamiz baxtli, dasturxonimiz to'kin. Ammo buvimning birgina armonlari ota-onasiz hayot so'qmoqlarida yolg'izlikda o'sganlaridir. Biz esa atroflarida parvonamiz.

Oydin ESONALIYEVA.

HAM SHIFO, HAM ZIYO

Bolalar sog'ligi uchun 1978-yildan beri kurashib kelayotgan Sabura Islomova mehribon hamshira. Hamshirani izlagan odam albatta uni shifoxonaning biror «palata»sidan topadi. U yerda



bemor bolalarga ertak aytayotgan uning kelajagi haqida so'zlayotgan bo'ladi. Oqibatda u kishining gap-so'zlaridan bolalar tez tuzaladilar. Hatto uylariga borib ham uning ertaklarini sog'inadilar. Bayram kunlarida Sabura opaning xonasi minnatdorchilik xatlari bilan to'lib ketadi.

Poytaxtimizdagi mashhur Buyuk ipak yo'lida joylashgan Respublika Endekrinologiya instituti, qand kasalligi bilan og'rikan bolalar bo'limida Sabura opa kabi mehribon shifokorlar ko'p. Men bo'limga kirib, katta hamshirani so'raganimda qiya ochiq turgan xonani ko'rsatishdi. Qo'lida bir xat bilan ko'zlari jiqqa yoshga to'lgan do'xtir opa menga yuzlandi.

-Najot izlab uch oy oldin bizda davolanib ketgan bolakaydan kelibdi. Qaniydi, sehrigar bo'lsam-u, bu kasallikka tamoman davo topsam...

Bemor bolakaylar ko'zlarimizga iltijo bilan boqib turadilar. Hatto tuzalib ketamanmi deb noumidlik bilan ham so'raydilar. Ular bilan kun-u tun birga bo'lishga to'g'ri keladi. Shuning uchun ham bolalarga yaxshi do'st bo'lish uchun ertak kitoblar olib kelaman. Birgalashib kitobxonlik qilamiz. Ertaklardagi voqealar negadir bemor bolalarga tezda ta'sir qiladi. Ular shu tobda ertakdagi qahramonlarga o'xshagisi keladi. O'z vaqtida muolajalar uchun shoshadilar. Sport bilan shug'ullanishga ulguradilar. Chindan ham bo'limimizga yurtimizning turli viloyatlaridan kelgan bolalar tezda shifo topib ketishadi. Faqat belgilangan ma'lum muddatda kelib yana muolaja olishlari shart.

Shifoxonadan chiqar ekanman, xayolimda Sabura opaning ertagidagi kuchli, mag'rur bolakaylar meni kuzatib qo'ygandek edi.

Xurshida BOYMIRZAYEVA.

Azimjon Husanov mana uch yildirki, «Kamolot» YIH Shayxontohur tuman bo'limida faoliyat ko'rsatib kelyapti. Shu davrda o'zi rejalashtirgan ko'pgina g'oya va loyihalarni amalga oshirishga ham muvaffaq bo'ldi. Uning harakatchanligi va tuman miqyosida o'tkazilgan tadbirlardagi jonbozligi hisobga olinib, yil davomida o'tkazilgan seminar va ko'riktanlovlar sarhisob qilinib, «Kamolot» YIH Shayxontohur tuman bo'limi uni «Yilning «Kamolot» sardori» deb topdi hamda Toshkent shahar «Kamolot» YIHning IV anjumanida «Kamolot» sardori - 2005» mukofotiga sazovor bo'ldi.



«KAMOLOT»DA O'RGANDIM

Ingliz va rus tillarida xuddi o'z ona tilidagidek so'zlashadigan Azimjon ayni kunlarda yapon tilini mukammal o'rganish harakatida. Xorijiy tillar, boshqa xalqlar madaniyati va yoshlari hayotini o'rganishga juda qiziqadi. Shuning uchun ham «Kamolot» YIH Shayxontohur tuman bo'limi uni «Xalqaro faoliyat» soha sardori etib tayinladi.

– «Kamolot»ga kelib, o'qish va ishlarimda anchagina o'zgarishlar bo'ldi, ijobiy tomonga albatta, - deydi Azimjon. – Muhimi, vaqtni to'g'ri taqsimlab, undan unumli foydalanishni o'rgandim. Chunki bu yerda ish ko'p, vaqt esa oz. Lekin bu menga juda yoqadi, hamma ishlarga kuch ham, vaqt ham topa olyapman.

Biz birinchilardan bo'lib xorijiy va jamoat tashkilotlari, birlashmalari bilan aloqa

o'rnatishga harakat qildik. 2004-yilda turli loyihalar ishlab chiqib, Amerika, Germaniya elchixonalari bilan aloqani yo'lga qo'ydik.

O'qing, havas qiling!

«Uzbekistan-Japan Center», «United Nations Information Center», «World Vision» bilan imzolagan loyihalarimiz biz kutmagan ijobiy natijalarni berdi. Toshkent shahar «Iste'molchilar huquqlarini himoya qilish» federatsiyasi bilan hamkorlikda tadbirlar o'tkazdik.

Bizning ishlash uslubimiz ham juda qiziq. Yil boshida xalqaro miqyosda nishonlanadigan bayram kunlari ro'yxatini tayyorlaymiz. Biror bir xalqaro kunning nishonlanishiga bir oycha vaqt qolganda, o'sha bayramning nomi va maqsadidan

kelib chiqqan holda tashkilotlar bilan aloqa o'rnatamiz. Masalan, «Xalqaro OITSga qarshi kurash» kunini munosib o'tkazish maqsadida shu ishlar bilan shug'ullanadigan

tashkilotlarga, ya'ni, «World Vision», Respublika OITS markaziga murojaat etamiz.

– **Ayni vaqtda nima ishlar bilan bandsiz?**

– Hozirgi kunda, xabaringiz bo'lsa, «Kamolot» YIH Shayxontohur tuman bo'limiga tajriba almashish uchun 6 oy muddat davomida biz bilan birga faoliyat ko'rsatadigan Koreyaning nodavlat, notijorat, yoshlar tashkiloti bo'lgan «ANAC»dan 6 nafar yoshlar tashrif buyurishgan, bugungi kunda ushbu tashkilot bilan qo'shma dasturlar imzolaniib, yangi, turli mavzudagi loyihalar ishlab chiqilmoqda.

– **Sizning jonbozlik bilan ishlashingizga nima ilhom berib turadi yoki o'z ta'sirini o'tkazadi?**

– Sardorlarning bir-birlarini qo'llab-quvvatlashlari, kerak bo'lganda qo'llaridan kelganicha yordam berishlari, bir-birlari bilan doimo muloqotda bo'lib, fikr almashishlariga turtki bo'ladi.

– **«Kamolot» sardorlariga tilaklaringiz...**

– Barchaga sog'lik, ishlarida rivoj va oilaviy baxt tilayman. Savobli ishlarni amalga oshirishdan hech ham charchamasinlar.

– **Tilaklaringiz o'zingizga ham hamroh bo'lsin.**

Zahro HOSHIMOVA suhbatlashdi.



Aziz sportsevar bolajonlar, dunyoni lol qoldirgan

31 yoshli mashhur gimnastikachimiz Oksana

Chusovitining hamon sport sohasida ulkan yutuqlarni

qo'lga kiritib kelayotganining siri nimadalgini bilasizmi? Mening esa eshitganim bor. Oksana opangizni sport olamiga yana farzandiga bo'lgan mehri qaytarganmish.

Gimnastikamiz malikasining aytishicha, ana shu mehr unga g'ayritabiiy bir kuch-qudrat ato etarmish...

Oksana sport gimnastikasi bo'yicha jahonning besh karra chempioni sanaladi. O'tgan yili Avstraliyaning Melbrun shahrida o'tkazilgan navbatdagi jahon chempionatida ham muvaffaqiyatli qatnashib, kumush medal sohibi bo'lgandi. Ayni paytda gimnastikachi Germaniyaning «Toyota Kyoln» klubi hisobida mamlakat chempionati musobaqalarida ishtirok etmoqda. Ammo olis o'lkalarda yashab yursa-da, ko'nglidagi Vatanga bo'lgan bir mehr uni O'zbekistonga chorlayveradi. Yurtimizga kelishi bilanoq, o'zi tashkil qilgan yangi maktabi tomon oshiqishining boisi ham shunda.

Darvoqe, men sizlarga Chusovitining yangi maktabi haqida gapirmoqchi edim-a. Mashhur sportchimizni poytaxtdagi o'zi saboq olgan 14-Bolalar va o'smirlar olimpiya zahiralar sport maktabi yana o'z bag'riga chorladi. 2005-yilning sentabr oyida shu maskanda zamonaviy sport anjomlari bilan jihozlangan yangi maktab ochishga erishdi. Bu borada O'zbekiston Respublikasi Xalq Ta'limi vazirligi huzuridagi «Bolalar sportini rivojlantirish» jamg'armasining yordami katta bo'ldi. Ular ko'magida Germaniyaning dunyoga mashhur «GYMNOVO» gimnastik jihozlari keltirildi. Endilikda bu maskanda mashg'ulotlar qizg'in olib borilyapti. Yosh gimnastikachilarning nafis harakatlarini kuzatsangiz, dilingiz bahra oladi. Ayniqsa, 3-6 yoshli qizaloqlarning mashqlari bir olam zavq beradi kishiga. O'zini, Asliddin Ochilovman, deya tanishtirgan bolakaydan sport maktabi

haqida so'raymiz:

– Yoshim 9 da.

Sport gimnastikasi juda qiyin sport turi hisoblanarkan. Dastlab mashg'ulotlarda

OKSANANING IZDOSHILARI

ancha qiynaldim. Murabbiyimiz Shuhrat aka Mamadaliyev qiyinchiliklarni yengishga o'rgatdilar. Osongina yugurish,

safda to'g'ri turish, o'mbaloq

oshish, oyoqlarni yoyish kabi mashqlarni hozir qiynalmasdan bajaryapman. Uch oy deganda biz mashqlarni o'zimiz eplaydigan bo'ldik. O'tgan yili Samarqand shahridagi katta musobaqada 2-o'rinni oldim. Hozir elimizning eng go'zal bayrami bo'lmish NAVRO'Zga bag'ishlangan bahslarga qizg'in tayyorgarlik ko'ryapmiz.

– Mening oyim ham, akam ham, - deya suhbatimizga qo'shildi Abdullajon Azimov,

– bolalik paytlarida gimnastika bilan shug'ullangan ekanlar. Men ham bu sport turiga qiziqib qoldim. Nasib qilsa, taniqli gimnastikachi, murabbiyimiz Shuhrat akadek mehribon va talabchan ustoz bo'laman.

Mamlakatimiz sport gimnastikasi terma jamoalari uchun baza bo'lib xizmat qilayotgan bu maskan rahbari Bahodir Qurbonovning niyatlari ham ulkan. Gimnastikachi bo'lib kamol topayotgan bolajonlarning til o'rganishlari, kompyuterdan saboq olishlari uchun yetarlicha shart-sharoit yaratish, shuningdek, olisdan kelib o'qiyotgan bolajonlarni yotoqxona bilan ta'minlash kabi muammolar yechimini topish harakatidalar.

Ma'mura MADRAHIMOVA.



O'YNI OLIB TUSHMOQCHI

Men Xorazm viloyatining Turkmaniston bilan chegaradosh bo'lgan eng chekka Boyot qishlog'ida istiqomat qilaman. Qishlog'imizda kutubxonamiz bo'lib, u yerga doim yangi gazeta va jurnallar kelib turadi. Kutubxonachi Ullijon opamiz ularni o'z vaqtida tarqatib turadilar. Sinfdozlarim bilan gazeta va jurnallardagi turli mavzularda berilgan maqolalarni mahokama qilamiz, undagi she'rlarni yod olamiz. Men ham she'riyatga qiziqaman. «Orzu» deb nomlangan she'rim ana shu qiziqishlarim tufayli bitilgan she'rdir.

ORZU

Zokir yasagan kema,
Shamoldan ham tez uchar,
O't olsa, bas, bir zumd,
Moviy osmonni quchar.
Kemasida Zokirjon,
Fazolarga uchmoqchi,
Singlisi Zarifaga,
Oyni olib tushmoqchi...

Zulfiya MADRAHIMOVA,
Xorazm viloyati, Yangiariq tumanidagi
M.Matkarimov nomidagi umumiy
o'rta ta'lim maktabining
5-«V» sinf o'quvchisi.



AKAMGA HAVAS QILAMAN

Akasiga havasi keladigan qizlar juda ko'p bo'lsa kerak, nazarimda. Chunki akasi bor qizlar maktabda ham, mahalla-ko'yda ham aziz bo'ladi. Men ham akamga havas qilaman. Ularning she'rlarini o'qib, ular kabi mazmunli va chiroyli she'rlar yozishga qiziqaman. Navbatdagi she'rim «O'ylab yuribman» deb nomlanadi. Agar u tengdoshlarimga yoqsa, boshim osmonga yetardi.

O'YLAB YURIBMAN

O'z-o'zimga savolim,
Kim bo'lsam ekan?
Hozircha bir xayolim,
Jim bo'lsammikan?
Goho oyim aytalar,
Doktor bo'lgin deb.
Dadam aytar: - Hozircha,
O'ynab turgin, - deb...
Ko'pincha yuragimga,

Tutaman quloq.
Orzularim bir olam,
Umidlar buloq..

Sitora ISLOMOVA,
Jizzax viloyati,
Jizzax tumanidagi
57-maktab-internatning
6-sinf o'quvchisi.



MENI KECHIRING, OYIJON

Bizlarga mazza bo'ldi-da, ertaga uzoq qishloqda yashaydigan amakimlarning uylariga mehmonga boramiz.

Kechasi oyijonimni biroz xafa qilib qo'ydim. Buyurgan ishlarini qilmay, multfilm ko'rdim. Ertalab turib, ulardan kechirim so'rayman, deya uxlashga yotdim.

...Tezda tong otib qolibdi. Oyijonim meni uyg'otdilar-u, nonushta ham qilmasdan tiqilinch bo'lgani uchun payt oyijonim o'zlarini Avtobusni to'xtatib, tushib aylanganini aytib, bekatda Shunday qilib, keyingi tushdik. Bu avtobus ham juda amallab o'tirib oldilar. Men tarafida qolib ketdim. Shunchalik bo'ynimni cho'zsam ham oyijonimni topa olmasdim. Bir payt avtobus ancha bo'shab qoldi. Oyim o'tirgan o'rindiqni qaragam, ular yo'qlar.

Oyijon, - deb rosa qidirdim. Ammo bir kishi ularni bir bekat oldin tushib qolganini aytdi. Men avtobusdan tushib, oyijonimni qidirishga tushdim. Qidira-qidira charchadim, bir payt ularni ko'rib qoldim. Ular ham meni qidirib kelayotgan ekanlar. Oyijonim tomon shunchalik yugursam ham yeta olmasdim. Nihoyat, ularning oldilariga yetdim va quchoqlariga otildim. Birdaniga uyg'onib ketdim, qaragam tush ekan. Oyijonim esa uyg'otish uchun kirib kelayotgan ekanlar. Men darrov turib, ularning quchoqlariga otildim va kechagi qilgan ishim uchun kechirim so'radim.

Gulmira HAZRATOVA,
Jizzax viloyati, Jizzax tumanidagi
57-ixtisoslashgan o'rta maktabning 6-sinf o'quvchisi.



USTOZ NAM, SHOGIRD NAM SHAYDO

Tahririyatimizga jajjigina qizchani yetaklagan bir ayol imaniyigina kirib keldi. O'zini poytaxtdagi 250-o'rta maktabning boshlang'ich sinf o'qituvchisi Muhayyo Qodirova deya, qizchani esa 4-sinf o'quvchisi Go'zaloy Ergasheva deya tanishtirdi. Go'zaloyning yaxshigina she'rlar mashq qilishi, ulardan bir nechtasini olib kelishganini aytdi. Go'zaloy yaqinda Yunusobod tumani miqyosida o'tkazilgan olimpiadada qatnashib, ifodali o'qish va she'rlar tanlovi bo'yicha 1-o'rinni egallabdi...

Shogirdining yutuqlaridan quvonib, to'liqlanib so'zlayotgan Muhayyoxondan Go'zaloyda adabiyotga bo'lgan havasni kim uyg'otgani haqida so'radik. Bu Muhayyoxonning o'zlari ekanlar. O'zlari ham yaxshigina she'rlar mashq qilib yurarkanlar-u, lekin ularni hali hech kimga ko'rsatmabdilar.

Yaqinda shahar miqyosida o'tkazilgan «Yilning eng yaxshi fan o'qituvchisi» ko'rik-tanlovida qatnashib, 2-o'rinni egallabdilar.

Quyida she'riyat olamiga haqiqiy shaydo bo'lgan ustoz-shogird ijodidan namunalar o'qiysiz:

O'QUVCHILARIMGA

Ey, mening aqli o'quvchilarim,
Ko'zlari javdirab boquvchilarim.
Men uchun hammangiz azizsiz,
Farzanddek suyukli, lazizsiz.
Sizga bag'ishladim bor kuch, bilimim,
Kamolga yetkazsin bergan ilimim.
Umidim kattadir sizdan bolalar,
Rohatingizni ko'rsin ota-onalar!

Muhayyo QODIROVA.

Go'zal singlim Shahzoda,
O'zi juda ozoda.
Dadamning ovunchog'i,
Oyimning ko'z munchog'i.
Hamma erkalab quchar,
Chorlasak go'yo «uchar».
Uxlasa, tin olamiz,
Lek zerikib qolamiz.

Go'zaloy ERGASHEVA.

SHIRIN SINGLIM



O'ZBEKISTON

Ey, jonajon O'zbekiston,
Sen biz uchun bog'-u bo'ston.
Bag'ringda shodon yashaymiz,
Yagonasan hur guliston.
Paxtaga kon, mevaga kon.
Istiqboling, iqboling yor,
Yurtlar ichra yagonasan,
Qirda bahor, cho'qqingda qor.
Zarnigor FATTOXOVA,
Marg'ilon shahar Yangi
Marg'ilon shaharchasidagi
25-maktabning
5-«J» sinf o'quvchisi.



ZARKENTIM

Meni Zarkent qishlog'im bor,
Havosi sof va beg'ubor.
Bog'-u rog'i jannatmakon,
Mevalari sharbatga kon.

QUSHLAR

Qushlar bizning do'stimiz,
Do'stimiz ham ramzimiz.
Qushlar bizga sayrashar,
Sayrab juda yayrashar.
Keng osmonda jar solib,
Bizga xabar yetkazar.
Biz qushlarni o'ldirmay,
Unga rahm qilaylik.
Qushlarga yordam berib,
Inlar qurib beraylik.
Donimizdan olaylik,
Chin ko'ngildan beraylik.
Ular bizga aytishar,
Chin ko'ngildan rahmat, deb.
Keng osmonni quchishib,
Qanot qoqib ketishib.
Janub tomon yo'l olib,
Xayr, derlar qo'l olib.

AYOL

Sahovat, rohatni, mehr-shavqatni,
Quvonchni, sevgini hamda toqatni,
Sabrni, vafoni ham sadoqatni,
Mujassam etgansan o'zingda ayol.

Iztirob, qayg'u-g'am, jabru-zulmdan,
Mashaqqat, dard, alam hatto o'limdan.
Tanholik, yolg'izlik, azob yo'lidan,
Qo'rqmasdan yashashni o'rgatding ayol.

Ne-ne qora kunlar tushdi boshingga,
G'animlar yopirilib keldi qoshingga,
Mag'rur qoyalardek o't bardoshingga,
Ming bora tasanno o'qiyman ayol.

Jasorat ko'rsatgan fidoiy o'zing,
Bosh egib tinglaydi farzandlar so'zing.
Sahar nurlar o'par bosgan har izing,
Hayot maktabining ustoz ayol.

Sadoqat RO'ZIYEVA,
Toshkent viloyati, Angren shahridagi
45-maktabning 9-«A» sinf
o'quvchisi.



BAYRAMLARNING BUYUGI

8-Martni bayramlarning eng buyugi, suyugi degim keladi. Chunki u dunyodagi eng buyuk zot sanalmish onajonlarimizning bayrami-da. Bu kunning barchamizga suyukligi ham shundan. Har birimizning qalbimizda onalarimizga atalgan iliq gaplarimiz juda mo'l. Lekin ularga aytishga ko'pincha iymanamiz.

Bayram bir bahona dilimizdagi, tilimizdagi eng sof, samimiy ezgu niyatlarimizni ularga bildiramiz.

Bugungi mushoiramiz ham ana shu buyuk zotlarga bag'ishlanadi. Bu she'rlarning hammasi ham kamchiliklardan holi, tugalmasdir. Lekin beg'ubor yuraklarning tub-tubidan sizib chiqib, oppoq qog'ozga tushgan she'riy misralar ular.

MUNISGINAM, QUYOSHIM ONAM

Ko'zlarimning qarog'i onam,
Qalbginamning ardog'i onam,
Uyimizning chirog'i onam,
Munisginam, quyoshim onam,
Mening yaqin sirdoshim onam,
Boshginamda parvona o'zi,
Kulganimda quvonar ko'zi,
Gapirsa bol, asldir so'zi,
Munisginam, quyoshim onam,
Mening yaqin sirdoshim onam,
Dardlarimni tinglaguvchi ham,
Yig'lasam gar ko'zlarida nam,
Derlar quchib: «Mening shoiram»:
Munisginam, quyoshim onam,
Mening yaqin sirdoshim onam.
Mavluda BOYRAYEVA,
Samarqand viloyati, Nurobod
tumani, Jom mahallasi.

QO'SHIQDAGI NOLAM MENING

Oftob nuri yelkasiga tegmagan,
O'qisa ham orzusiga yetmagan,
Qoshimizdan bir zum nari ketmagan,
Munisginam, onam mening,
Qo'shiqdagi nolam mening,
Bosgan izlaringiz ko'zimga suray,
Har on yoningizda yelib yuguray,
Chorlasangiz doim men sergak turay,
Munisginam, onam mening,
Qo'shiqdagi nolam mening.

Irodaxon MAMATQOSIMOVA,
Andijon viloyati, Ulug'nor tumanidagi
16 - maktabning 10 - sinf o'quvchisi.

BUVIJONIM

So'zlaringiz sehrli,
Ko'zlaringiz mehrli.
Ertak aytasiz tunda,
Omad tilaysiz kunda.
Kitobni berib qo'lga,
Chorlaysiz porloq yo'lga.
Oq yo'lga yetaklaysiz,
Pok yo'lga yetaklaysiz.

Shahnoza G'ANIYEVA,
Poytaxtdagi 116 - maktabning
5 - sinf o'quvchisi.

RAYHONDEK XOKISOR ONAM...

Onajon, men sizni yaxshi ko'raman,
Ammo izhori-dil qilolmaganman.
Siz-ku, sezasiz-a yurak urishim,
Ammo men dardingiz bilolmaganman.
Tongda alla aytib, silab boshimni,
Ohista shivirlab, alqaysiz uzoq.
Ko'nglingiz mendadir hamisha, ammo,
Meniki dalada, sizdan olisroq.
Siz menga baxsh etgan mehr-u otashga,
O'xshashni osmonda oftob eplolmas.

Nurlarin sahiylik bilan sochsa-da,
Bag'ringiz taftini o'rmin bosolmas.
Beqiyos mehringiz dilimga ko'chib,
Murg'ak yuragimga she'r ishqin soldi.
Tunni tongga ulab aytgan allangiz,
Shoir yuragimda manguqa qoldi.
Rayhondek beozor, xokisor onam,
Ko'ksingizga boshim qo'yayin bir zum.
Meni deb qorlangan oppoq sochingiz,
Qora tolalari bo'layin o'zim.

Sadoqat DADAYEVA,
Toshkent viloyati, Parkent tumanidagi 1 - maktabning
II - sinf o'quvchisi.

Bayram mushoirasi



Samarqand viloyati, Ishtixon tumanidagi 4-umumta'lim
maktabining 8-«B» sinf o'quvchisi Hulkar
MAMATMURODOVA onajonlarimizga bo'lgan
ehtiromini rasmlari orqali ifodalabdi.

SEN KUYLAGAN O'SHA ALLALAR

Men ulg'aydim otash bag'ringda,
Oydin yo'llar tilab qolding sen.
Agar zulmat to'ssa yo'llarim,
Shamchirog'im bo'la olding sen.
Onajonim, boshimda har dam,
Parvonamsan, bo'lg'in sog'-omon.
Bu dunyoda sendan qadrdon,
Do'st topolmam, ona, hech qachon!
Quloqlarim ostida yangrar,
Sen kuylagan o'sha allalar.
Yosh qalbmni entiktiradi,
Bolaligim, sho'xchan pallalar.
Oshiqarman nurli yo'l sari,
Ammo unga sensiz yetolmam.
Sen menga baxt berganing kabi,
Men seni hech baxtli etolmam.

Xumora JO'RAYEVA,
Toshkent viloyati, Parkent
tumanidagi 1 - maktab o'quvchisi.

ONAJONIM

Onajonim, qo'lingizga,
Gullar tutgim keladi.
Onajonim, yo'lingizga,
Nurlar sochgim keladi.

Onajonim, bo'ling omon,
Go'zaldir siz-la olam.
Ehtirom-u e'zoz Sizga,
Qutlar odam-u olam.

Onajonim, boshingizdan,
Zarlar sochgim keladi.
Onajonim, qalb gavharim,
Sizga ochgim keladi.

Zarina YAXSHIYEVA,
Qashqadaryo viloyati, Kitob
tumanidagi 25 - maktabning
5 - «A» sinf o'quvchisi.

OLAM KULGUNCHA KULING

Dunyo turguncha turing,
Olam kulguncha kuling.
Namlanmasin ko'zingiz,
Yerda qolmas so'zingiz.
Keksalikni olmang tan,
Dardingiz ko'ring baham.
Umringiz uzoq bo'lsin,
G'amlardan yiroq bo'lsin.

Malika SAFAROVA,
Jizzax viloyati, Forish
tumanidagi 30 - maktab-
internat o'quvchisi.

Siz hayotim gultoji

Siz hayotimning gultoji,
Bahorimsiz, onajon.
Siz-la iliq har bir tongim,
Nahorimsiz, onajon.

Nurli nigohlaringiz,
Porlab tursin doimo.
Men ko'kda yulduz bo'lsam,
Siz shubhasiz - oymomo.

Onajonim ko'zingizdan,
To'kilmasin tomchi yosh.
Sizga payvand bu dil tori,
Bo'ling doim bizga bosh.

Shifokorim o'zingiz,
Gar dardman, betob bo'lsam.
Kulib yuring hamisha,
Orazi oftobginam.

Obidjon SADIROV,
Toshkent viloyati, Parkent tumanidagi
1 - maktabning 7 - sinf o'quvchisi.



Детство... Как быстро оно проходит, как быстро торопимся мы с ним расстаться, стремясь в иной – взрослый мир – с его многочисленными житейскими проблемами, вечной занятостью, когда нет ни минуты, чтобы остановиться, оглянуться вокруг и вдруг увидеть... солнечных зайчиков, прыгающих по стене, ажурную паутину на листьях, белоснежные облачка в небесном голубом океане. Не замечали ли вы за собой, попадая в магазин игрушек, чтобы купить сыну или дочери очередной подарок на день рождения, как надолго задерживаетесь там, ощущая какую-то непонятную грусть и в то же время радость, как просыпается в вашем сердце щемящее чувство, что детство уже прошло...

Не торопитесь уходить из детства, найдите минутку и вспомните, как вы были счастливы и беззаботны, сколько нового и интересного открывал Вам каждый день. Вспомните свои первые книжки и стихи. Мы уверены, что среди них были и стихи Агнии Барто, которые запомнились легко и быстро и которые мы храним в своей памяти как напоминание об ушедшем детстве.

Поэтесса Агния Барто является одной из ярких и выдающихся представителей русской детской литературы, которая знала мир ребенка, понимала его, находила через свои стихи путь к их сердцам.

17 февраля 2006 года в Государственной библиотеке Республики Узбекистан при поддержке Представительства «Росзарубежцентр», Русского культурного центра и Посольства Российской Федерации в Узбекистане состоялся детский праздник «Дети рисуют книжку», посвященный 100-летию со дня рождения Агнии Львовны Барто, на котором были подведены итоги конкурса детского рисунка.

В огромном зале Детской библиотеки все было торжественно. Гостей: преподавателей, родителей и детей у входа встречали герои стихотворений А. Барто. Яркие разноцветные

Среди всех жанров художественной литературы самым интересным, звучным и своеобразным является жанр детской литературы, отличительной чертой которого считаются особая тема – «мир детства», своеобразность стиля и легкое восприятие.



Мир детства светлый, искренний, познавательный, наполненный солнечными сказками, в которых добро побеждает зло, а справедливость всегда торжествует, мир, в котором обиды быстро забываются, слезы высыхают, колокольчиком звенит детский счастливый смех.

ЗДРАВСТВУЙ, ПРАЗДНИК ДЕТСТВА!

Представленные рисунки детей оценивались по следующим критериям: оригинальность сюжета, красочность, передача настроения автора – юмор, грусть и печаль, а также учитывался возраст юных художников. Ученик средней школы № 145 Садыков Гулер награжден за самый комичный рисунок, учащийся школы № 50 Исамухамедов Абдор – за самый романтический рисунок, ученик средней школы № 89 Мельник Даниил – за самого оригинального

нарисованного мишку, ученик средней школы № 269 Зуфаров Нодиржон – за самого лучшего жонглера, ученик средней школы № 110 Еременко Владис – за самую оригинальную идею, Левсман Леонид – за самую точную передачу настроения, Мушакова Ангелина – за самый печальный рисунок, Ибрагимов Насиба – за самый оригинальный рисунок. Призы были вручены и самому юному участнику конкурса – трехлетнему Ким Максиму, а также самому старшему участнику – Семеновой Анне.

При подведении итогов конкурса на лучший рисунок призовые места распределили следующим образом: 1 место присвоено Янковой Анне, 2-е место – Саркесяну Артему, а 3-е – Бахаеву Джамшиду.

Все участники праздника были награждены дипломами Представительства «Росзарубежцентр».


Праздник удался на славу! Много улыбок, счастливых победных мгновений, новые таланты – это, пожалуй, самое главное впечатление от встречи с Детством. И остается пожелать только одного, чтобы такие праздники проводились как можно чаще.

**Зебо Тохириён,
Ирина Богодарова.**

ФОНАРИК

Мне не скучно без огня –
Есть фонарик у меня.
На него посмотришь днём –
Ничего не видно в нём.
А посмотришь вечером –
Он с зелёным огоньком.
Это в баночке с травой
Светлячок сидит живой.

СТОРОЖ



(шутка)

Сидеть надоело мне
Лапы сложа,
Я очень хотел бы
Пойти в сторожа.
Висит объявление
У наших ворот:
Собака нужна
Сторожить огород.
Ты меня знаешь,
Я храбрый щенок:

Однажды утром, как всегда,
В цветник пришли ребята,
А там примята резеда,
Вся резеда помята.

Кто затоптал всю резеду?
Кто трогал лилии в саду?

Есть во дворе щенок такой:
На всех он лает звонко,
А помани его рукой –
И он бежит вдогонку.
Он мчится, ласково визжа,
Он не годится в сторожа,
Но, видно, этому двору
Щенок пришёлся ко двору.
И вот щенка ведут в цветник.
– Ищи! – кричат ребята.
При виде сломанных гвоздик
Скулит он виновато.
– Ищи! – ребята говорят.
Он не отходит от ребят.

Появится кошка –
Собью её с ног.
Я тявкать умею,
Умею рычать,
Умею своих
От чужих отличать.
Котят бояться меня,
Как огня.
Скажи мне по совести:
Примут меня?

ПРО ДОКТОРА ПЕТРОВА



– Ищи скорей, тут виден след! –
Кричат ребята снова.
– Ты что, собака или нет?! –
Вдруг рассердился Вова.

Щенок улёгся на траве.
Лежит, глаза зажмурил.
– Он молод, ветер в голове! –
Сказал сердито Юрий.
– Да это он сломал цветы! –
Вдруг догадался кто-то.
Все закричали: – Это ты,
Дружок? Твоя работа?
– Погибла наша резеда! –
Рукой махнула Света. –
Тут столько нашего труда!
Работаем все лето!

Врачей вожатая ведёт.
Ребята со двора
Бегут встретить их у ворот:
– Идут к нам доктора!

Слышал ли кто-нибудь из вас
Про доктора Петрова?
Переведён он в пятый класс.
Но, говорят, уже он спас
Не одного больного.

К нему бегут со всех сторон:
– Петров твоя фамилия? –
И вот к больной подходит он.
Зовут больную – лилия.

– Ей нужен тщательный уход.
Пускай она воды попьёт!
И нужно сделать колышки, –
Советует Петров, –
И не поить на солнышке.
А так цветок здоров!
Врач из кармана достаёт
Две спичечных коробки.
Он говорит ребятам: – Вот,
Здесь божины коровки.
Они нужны для цветников,
Приносят пользу саду.
Но никаких других жуков
Туда пускать не надо!

Ребята хвалят докторов,
И всем понравился Петров.

Amir Temur tavalludining 670 yilligi oldidan

TEMUR TUZUKLARI

O'Z SALTANATINI TUZISH YO'LIDA QILGAN UCHINGEI KENGASHIM

Forschadan Alixon SOG'UNIY va Habibullo KARAMATOV tarjimai.

O'sha vaqtda davlatimning kuchi ketib, saltanatimning asosi yemirila boshladi. Chunonchi, menga ergashgan yo'ldoshlarim o'n kishidan ortiq emas edi. Ulardan ettitasi otliq, uch kishi esa piyoda edilar. Ulardan boshqa men bilan hech kim qolmagandi. Muhtarama jufti halolim bo'lmish Amir Husaynning singlisini o'zinning otimga mindirib olgan edim. Shu alfozda Xorazm cho'llarida bir necha kun sargardon bo'lib yurdim. Kunlarning birida kech tushgach, qandaydir quduq boshiga kelib tushdim. O'sha kechasi piyoda yurgan uch nafar xurosonlik bevafoqlik qilib, otlarimizni minib qochdilar. Yetti Ahvolim juda og'irlashdi. Lekin ko'ngil qilgan ekanman deb hech bu quduq

Alibek keldi. eltib, u yuga

Bir necha tayinladi. ushladi. Undan qutulish chorasini izlab, o'z-o'zim bilan kuchli va chaqqon bilaklarim ish berib, soqchilardan birining

uzr so'radi. Otlarimni, yaroq-jabduqlarimni hozirlatib, menga bir oriq ot va bir qari tuya tortiq qilgan bo'ldi. Og'asi Muhammadbek menga atab yuborgan bir qancha sovg'a-salomlarini esa ochko'zlik qilib o'ziga olib qoldi. So'ng ketishimga ruxsat berdi. Xorazm otliq atrofimga bir manzilga yetib, tushdik. Shu orada o'sha yerlik paydo bo'lib, meni ko'rgach, o'g'ri!» deyishib hujum qilmoqchi Husaynning singlisini bir uyga yashirib qo'yib, o'sha

1365-yil Chinoz atrofida Mo'g'ullar hamda Temur bilan amir Husayn qo'shinlari o'rtasida urush bo'ldi. Bu urush tarixda «jangi loy» deb ataladi.

1370-yil Samarqandda katta qurultoy chaqirilib Temur davlati tashkil topdi.

qo'lidan qilichini tortib oldim-da, ularga hamla qilgan edim, barisi qochib qoldi. (Qilich ko'targanimcha), to'g'ri Alibekning ustiga bostirib kirdim. Meni ko'rgach, (hushi boshidan uchdi). Qilgan nomunosib ishidan pushaymon bo'lib, mendan to'plandi. Ikki kundan so'ng qandaydir uyga bir guruh turkmanlar «O'g'ri, bo'ldilar. Amir jamoaga qarshi M u h a m m a d degan odam meni tanib qoldi, «Hoy, to'xtanglar, bu Amir Temur-ku!» deb ularni urushdan qaytardi. O'zi esa tizza urib oldimga keldi. Men ham uning ko'nglini ovlab, boshiga mandilimni qo'ydim. So'ngra bu kishi o'z og'ainilari bilan menga mulozim bo'lishdi.

1366-yil Amir Temur Husayn bilan birgalikda Samarqandni o'ziga bo'ysundirdi.

Xizmatga ketaturib, avtobusda bir ayol bilan tanishib qoldim. Tasodifni qarangi, u aynan gazetamiz tahririyatini qidirib kelayotgan ekan. Manzilimiz birligidan quvonib ketdi. Yo'l-yo'lakay tanishib ham oldik. Jamila Jamurova Surxondaryo viloyatining Qiziriq tumanidan bo'lib, tumandagi «Sayod-ekspres» xususiy korxonasiga rahbarlik qilarkan. Gap-so'zlaridan ziyoli, ma'rifatli ayol bo'lsa kerak, deb o'ylagandim. Adashmagan ekanman, o'zi ham aynan shu masalada tahririyatimizni izlab kelayotgan ekan.

Onalar qayg'uradi


- Viloyatimizda «Zulfiya» mukofoti tanlovining viloyat bosqichi bo'layotgandi, -deya so'z boshladi Jamilaxon. - Hay'at a'zolari s a f i d a

To'g'ri tuman hokimligiga, so'ngra tuman xalq ta'limi bo'limiga yo'l oldim. Ulardan: «Shunday nashr borligini bilasizlarmi?» deb so'raganimda, ha, albatta, deya javob berishdi. Unda nima uchun tumanimizdagi 47 ta maktabo'quvchilari bu gazetani o'qishmaydi, d e y a savolimni davom ettirdim. Keyin esa ularga gazeta haqidagi o'z fikrlarimni bayon qildim. Yelib-yugurishlarim besamar ketmadi. Qizim tahsil olayotgan 12-sonli iqtidorli bolalar maktabining 50 nafar o'quvchisi dekabr oyida gazetaga obuna bo'lishdi. 20 fevral kuni esa yana yuz ming so'mlik obuna bo'lishibdi. Ezgulikning qanoti bo'ladi, deganlari rost ekan. Yangiyo'l shirkat xo'jaligi tomonidan shu yerdagi 32 - m a k t a b o'quvchilarini gazetaga obuna qilish uchun ikki yuz ming so'mlik pul ajratilbdi. Bu juda yaxshi albatta. Ammo bir «lekin»i bor-da.

«SHUNDAY GAZETA HAM BORMI?..»

Abduazimova tanlov ishtirokchilariga, qanday gazeta va jurnallar o'qiysizlar, deya savol berdilar. Shunda qizlar bir necha jurnallar hamda tuman, viloyat gazetalarini nomlarini aytishdi. Ulardan hech biri «Tong yulduzi» gazetasi nomini tilga olmadi. Bu holdan biroz ranjigan opa, «nima, bizning gazetamiz sizlarga yoqmaydimi», deb so'rab qoldilar. Shunaqa gazeta ham bormi, deya savolga savol bilan javob berishdi ular. To'g'risi, shunday gazeta borligini men ham shu kuni bildim. Men-ku mayli-ya, rus tilidagi maktabda tahsil olganman. Lekin obunaga mutasaddi bo'lgan kishilar-chi, ular bilisharmikin shunday gazetaning borligini?..

Shu kuniyoq gazetaning tarixi bilan qiziqdim. Avvaliga yaqindan chop etila boshlagan biror xususiy nashrdir-da, deb o'ylagandim. Keyin bilsam, u respublikada yagona bolalar va o'smirlar gazetasi bo'lib, qariyb 80 yildan buyon chop etilib kelinarkan. Gazetaning bir necha sonlarini o'qib ham chiqdim. Aynan bolalarbop nashr ekan! Respublikadagi bblalar va o'smirlar hayoti, o'qish va ishlari, qiziqish va intilishlari haqida maqolalar, yosh qalamkashlar ijodidan namunalar bosilarkan. Ko'pchilik bolalarni qiziqtiruvchi krossvordlar-u boshqotirmalar ham keragicha topilarkan...




Jamilaxonning so'zlarini tinglayapman-u, sohasi butunlay boshqa bo'lsa-da, farzandlarimiz, demakki, ertangi kunimiz egalarining kelajagi haqida qayg'uradigan bunday insonlar ko'proq bo'lsaydi degan o'y kechardi xayolimdan. Maktabdan olgan bilimlari bilangina chegaralanib qolmay, gazeta va jurnallar o'qib, bilimi, dunyoqarashi, so'z boyliklarini yanada boyitib, ma'naviyatini shakllantirib borishlarini istayaptilar-da ular.

Feruza JALILOVA suhbatlashdi.

BUVIMNING UMRDOSH BARGI

Kuzning so'nggi kunlari edi. Buvim ikkimiz tog'amnikiga ketayotgandik. Yo'l yoqasidagi kattakon o'rik daraxtiga termulib, ma'yus tortib qoldilar. Hattoki, yonlariga kelganimni ham payqamay, o'z-o'zlariga gapira boshladilar: «Qarang-a, eng uchida bargi qolibdi. Hali-veri to'ki'lmasa ham kerak... Balki, uning umri menikidan h a m uzunroqdir», deya jim qoldilar... So'ng: - Qani yuraqol, tog'anglar kutib qolishgandir, -deya yana yo'lga tushdilar. Yo'lda ketaturib, o'lim yomon narsa-da, u odamni bu dunyoni tashlab ketishga majbur qiladi, deb qo'yidilar og'ir xo'rsinib. - Buvi, yaxshi odamlar o'lmaydilar-a?-so'rayman ulardan. - Yo'q, bolam. Yaxshimisan, yomonmisan unga qarab o'tirmaydi. - Bo'lmasa nimaga qaraydi?.. - Juda ko'p savol berding-da, do'mbog'im, -deya erkalab, boshimni silab qo'yidilar buvim... Men o'qish uchun shaharga ketdim. Haftalar, oylar o'ta boshladi. Bir kuni tog'am telefon orqali buvimning betob bo'lib qolganlarini aytdilar. Tezda oyim bilan qishloqqa yo'l oldik. Yetib kelganimizda hamma yig'ilgan edi. Men buvimning yonlariga o'tirib: «Nega ko'rpa-to'shak qilib yotibsiz? Ha, aytganicha, shoxdagi barg tushdimi?» deb so'radim. - Yo'q, bolam. Uning umri menikidan uzunroq ekan, dedilar buvim xasta ovozda.



Ertalab turib qaragam shoxdagi barg yo'q. Bildimki, u uzilibdi. Shunda men buvimning umri bargnikidan uzunroq ekanligini aytish uchun uyga yugurdim. Afsuski xushxabarni ayto'lmadim. O'sha kuni tong saharda buvimning ham jonlari uzilibdi.

Qanoat FAYZULLAYEVA, Toshkent shahar, Sirg'ali tumanidagi 284-maktabning 7 - «G» sinf o'quvchisi.



BOLALIK, BAG'RINGDA QOLGIA KELADI

«Negaligini bilmadim-u, 12-13 yoshli chog'imda oyijonimga, katta bo'lishni istamayman, shu yoshimda qoldiring, deya ko'p xarxasha qilarkanman. Endi o'yab qaragam, beg'am, betashvish, takrorlanmas beg'ubor bolaligimdan ajralgim kelmagan ekan-da», deydi «Assalom O'zbekiston» studiyasi katta muharriri Munis Toshmatova.

MUTOLAA TARTIBI

Olti nafar akalarim orasida yolg'iz qiz bo'lganim bois, tortinchoqroq edim shekilli, hadeb bo'lar-bo'lmasga xarxasha qilavermasdim.

Dadajonim oyisiga do'st, sirdosh bo'lsin deb ismimni Munis deb qo'ygan ekanlar. Hovlimiz sahnida alohida bir xona bo'lib, unda nodir kitoblar-u gazeta-jurnallar saqlanardi. Ko'pincha ko'rinmay qolsam uydagilar ko'chadan emas, balki shu uydan topib olishardi. Ba'zan berilib ketganimdan kech bo'lib qolganini ham payqamay qoldirdim.

Kitob mutolaa qilishni ham o'ziga xos tartibi bo'lar ekan. Bir kuni o'qiganlarimning mazmunini dadajonimga so'zlab berayotgandim, ular birdan muallifi haqida so'rab qoldilar. Buni qarangi, kitobni o'qibman-u, uni kim yozgani bilan qiziqmabman. Rosa izza bo'lgandim o'shanda. Shunda dadam, «qizim, sen har qanday kitobni qo'lga olganingda dastlabki varag'idan diqqat bilan o'qishni o'rgangin. Shunda mutolaa tartibiga rioya qilgan bo'lasan, haqiqiy kitobxon pala-partish ish tutmaydi», dedilar. Men esa boshimni quyi egib turardim. Chunki ular haq edilar.

-ENSIKLOPEDIYA DADAJONIM-

Uyimiz to'rida To'xtasin Jalilov, Jo'raxon Sultonovning katta portretlari hamisha osig'lik turardi. Dadajonim O'zbekiston Xalq artisti G'anijon Toshmatov bu xushovoz hofizlarni haqli ravishda ustozlarim, deya e'zozlardilar.

Ularning yo'lidan borib, o'zlari ham qo'shiqchilik san'ati rivojiga ozmi-ko'pmi hissalarini qo'shdilar. Akalarim Muxsin Toshmatov, Mansur Toshmatovga, qolaversa, menga ham birinchi ustoz albatta dadajonimning o'zlari bo'lganlar. Ular ustozlik bobida nihoyatda talabchan bo'lib, bizlarni ham barcha shogirdlari kabi qattiq tergab turardilar. Xotirasi juda kuchli bo'lib, Navoiy, Fuzuliy, Bobur kabi buyuk mutaffakirlarning g'azallarini deyarli ko'pchiligini yod bilardilar. Qanday savol bo'lmasin, ularda hamisha javob tayyor edi. Biz farzandlarning ularga havasimiz kelib, «ensiklopediya dadajonim», derdik.

Uyimizga uzoq-yaqindan ko'plab san'atkorlar tashrif buyurishardi. Shunda dadam har qanday zarur yumushlarini bir chetga surib qo'yib, ularga ko'maklashardi. Sabrli, qanoatli bo'lsang, ko'p narsaga erishasan, degan so'zlarni bot-bot takrorlashdan hech erinmasdilar.

PISHIQ JAVOBLAR

Maktabni tugatib, Mannon Uyg'ur nomidagi Teatr va rassomchilik institutida tahsil oldim. Birinchi kurs ishim paytida O'zbekiston Xalq

artisti Xojiakbar Nurmatov bilan suhbatlashdim. Salobati bosib, shunchalik hayajonlandimki, so'z bilan ta'riflay olmayman. Ular esa mening g'o'r savollarimga hech erinmasdan javob berardilar. Bu mening kelgusi ish faoliyatimdagi birinchi qadamim edi.

SERSALOM - ASSALOM-CHI

Mahallamizdagi masjidga bizning ko'chimiz orqali o'tilardi. Ko'pincha qiz-u juvonlar namoz paytiga yaqinlashganda erkaklardan istihola qilib ko'chada kam ko'rinishardi. Ba'zan zarur yumush bilan ko'chaga chiqib qolsam, masjidga ketuvchilarga qayta-qayta salom berarkanman. Qo'ni-qo'shnilar dadamga, juda sersalom qizingiz borda, deya hazil qilisharkan. Ular bu hazilga hozirjavoblik bilan, o'zimga ham bir kunda besh marotaba salom bermasa ko'ngli joyiga tushmaydi, deb qo'yarkanlar.

QADRIYATLARIMIZNI QADRLAYLIK

«Assalom O'zbekiston» studiyasidagi mualliflik ko'rsatuvlarimni xalqimiz dilidan joy olishiga, mazmunan boy bo'lishiga harakat qilaman. El sevgan hofizlar, taniqli san'atshunoslar bilan suhbatlar uyushtirsam deyman. Eng muhimi milliy qadriyatlarimizni qadrlash, ularni bolalarimiz ongiga singdirish bizning burchimiz. Bu borada jamoamiz bilan tinmay izlanayapmiz.

OILAM TINCHLIGI ABNING BAXTIA

Ijodkor ayol oilasini ham, ishini ham birdek eplay olsagina marra uniki bo'ladi. Ko'pincha ishdan kech qaytaman. Ammo farzandlarim tarbiyasini bir soniya bo'lsa-da, yodimdan chiqarmayman. Katta o'g'limiz Boburjon ToshMida, Botirjon esa Sharqshunoslik institutida tahsil olishadi. Menga hamisha yelkadosh turmush o'rtog'im Dilshod aka tibbiyot fanlari nomzodi. Ona sifatida baxtimni oilam bag'ridan topganman.

BOLAJONLAR BOLALIGI BILAN YASHASIN

«Tong yulduzi» gazetasi barcha bolajonlar singari mening ham eng sevimli gazetam edi. Nutqimning ravonligini, so'z boyligimni gazeta-jurnal va kitoblar mutolaasidan topganman. Siz ham ko'p o'qisangiz, albatta ko'p va xo'p bilasiz. Vaqtiniz nihoyatda o'lchamli. Uning qadriga yeting, deyman. Siz kichik do'stlarimni va gazeta ijodkorlarini yaqinlashib kelayotgan bahor ayyomlari bilan qizg'in muborakbod etaman. Dilingiz hamisha bahoriy gullar kabi nafis va go'zal bo'lsin!

Suhbatdosh Jamila ERDONOVA.




Qo'shiqni o'rganamiz

XAVOTIR

Asqar degan bola bor,
Qilig'i ko'p o'la bor.
Alang-jalangdir hamon,
Yasagani yoy-kamon.
Rogatkasi qo'ynida,
Qushlar ovlash o'yida,
Dala-yu bog' kezadi,
Qushlar undan bezadi.
Qo'ng'iz, kirpi, toshbaqa,
Ari ham undan xafa.
Ninachi-yu kapalak,
Chumoli joni halak.

Asqar polvondan qo'rqib,
Asqar polvondan hurkib,
Barisi qochib borar,
Ov sirin ochib borar.
Asqar degan boladan,
Qilig'i ko'p oladan.
Qo'rqish bo'lsa shunchalik,
Hurkish bo'lsa shunchalik.
Shu zaylda ketsa ish,
Tashvish ustiga tashvish.
Tezda bog' bo'shab qolar,
Aytin, unda ne bo'lar?

Sulton ANVAROV musiqasi,
Umida ABDUAZIMOVA she'ri.



TONG yulduzi

O'zbekiston Respublikasi
bolalari va
o'smirlarining gazetasi

BOSH MUHARRIR:
Umida

ABDUAZIMOVA

TAHRIR HAY'ATI:

Turobjon JO'RAYEV,
Dilbar OLIMJONOVA,
Botir UBAYDULLAYEV,
Jabbor RAZZOQOV,
Anvar ZOKIROV,
Dilmurod RAHMATILLAYEV,
Dilshoda DADAJONOVA,
Sobirjon SHARIPOV,
Feruza JALILOVA
(Bosh muharrir o'rinbosari),
Nurxon NAFASOV,
Ergashvoy SARIQOV.

Gazeta O'zbekiston
Matbuot va axborot
agentligida
022-raqam bilan
2003-yil 11-dekabrda
ro'yxatdan o'tgan.

Noshir

«O'zbekiston»
nashriyat-matbaa
ijodiy uyi.

Gazeta

«O'zbekiston»
nashriyat-matbaa
ijodiy uyi

kompyuter bo'limida terib
sahifalandi va
chop etildi.
Gazeta haftaning dushanba
kuni chiqadi.
Hajmi A-3,
2 bosma taboq.
Adadi -59941

Buyurtma N: J 2088

Dizayner va sahifalovchi:

Fazliddin
SHAYADGAROV.
Navbatchi:
Jamila
ERDONOVA.

Rassom:

Nodira MIRZAYEVA.

Manzilimiz:

700129,

Toshkent shahri,
Navoiy ko'chasi, 30-uy.
Obuna indeksi: 198.

e-mail:

tong_yulduzi@rambler.ru

Tel: 144-38-10
144-63-08

Tel./ faks:
(99871) 144-24-45